

宋本
春秋左氏傳

十

漢書門類			
一	一	一四	五
五	一	六	六
冊	架	函	號

內閣文庫			
二	一	一	漢
七	四	五	書
四	函	一	
一	五	五	
五	冊	六	
架		號	類

內閣文庫			
番號	漢	1456	
冊數	15	(10)	
函號	274	110	




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





春秋經傳集解襄公六年第十九

杜氏

盡三十一年

經三十有九年春王正月公在楚

公在外闕朝正之禮

甚多而唯書此一年者魯公如楚既非常此公又踰年故發此一事以明常

夏五

月公至自楚庚午衛侯衎卒

無傳四同盟衎

弒吳子餘祭

闕守門者下賤非士故不言仲

仲

孫羯會晉荀盈齊高止宋華定衛世叔儀鄭

公孫段曹人莒人滕人薛人小邾人城杞

孫公

段伯石也三十年伯有死乃命為卿今蓋以攝卿行

晉侯使士

鞅來聘。杞子來盟。

杞復稱子。用夷禮也。

吳子使札來聘。

吳子餘祭既遣札聘上國而後死。札以六月到魯。未聞喪也。不稱公子。其禮未同於上國。

札側

秋九月葬衛獻公。齊高止出奔北

燕。

止。高厚之子。燕音煙。

冬仲孫羯如晉。

傳二十九年春。王正月。公在楚。釋不朝正于

廟也。

釋。解也。告廟在楚。解。公所以不朝正。

楚人使公親禭。

諸侯有遣

使。謂禭之禮。今楚欲依遣使之比。說文云。衣死人衣。遣使所吏反。下同。贈

比。芳鳳反。必利反。

公患之。穆叔曰。被殯而禭。則布幣

也。

先使巫被除殯之凶邪而行禭禮。與朝而布幣無異。被音拂。徐音廢。

乃使

巫以桃茢先被殯。

茢。黍穰。如羊反。鄭注周禮云。

茢。若

楚人弗禁。既而悔之。

禮君臨臣喪。乃二被殯。故楚悔之。

月癸卯。齊人葬莊公於北郭。

兵死不入北郭。夏

四月葬楚康王。公及陳侯。鄭伯。許男。送葬。至

于西門之外。諸侯之大夫皆至于墓。楚邾敖

即位。

邾敖。康王子熊麋也。邾古洽反。麋九倫反。

王子圍為令尹。

圍。康

王弟。鄭行人子羽曰。是謂不且。必代之。焉。公

柏之下。其草不殖。

言楚君弱。令尹強。物不兩盛。為昭元年圍弒邾敖起

本公還。及方城。季武子取卞。

取卞。邑。以自益。卞皮彦反。

使公冶問問公起居。公冶。季氏屬大夫。。治音也。璽書追而與

之爾。印也。璽音從。廣雅云。印。謂之璽。說文作璽。從土。云。王者印也。籀文從王。曰

聞守下者將叛。臣帥徒以討之。既得之矣。敢

告。公冶致使而退。致。季氏使命。使所吏反。注并下注而賞其使同。

及舍而後聞取下發書乃。公曰。欲之而言叛。

祇見疏也。言季氏欲得下而欺我。言叛益公。疏我。祇音支。服云。祇。適也。公

謂公冶曰。吾可以入乎。以季氏疏已。故不敢入。對曰。君

實有國。誰敢違君。公與公冶冕服。以卿服玄冕。賞之。

固辭強之而後受。公欲無入。榮成伯賦式微

乃歸。式微。詩邶風曰。式微式微。胡不歸。式。用也。義取寄寓之微陋。勸公歸也。強其

邶音佩。五月。公至自楚。公冶致其邑於季氏

而終不入焉。不入。季孫家。曰。欺其君。

何必使余。季孫見之。則言季氏如他日。不見

則終不言季氏。及疾。聚其臣。大夫。家臣。曰。我死必

無以冕服歛。非德賞也。言公畏季氏而賞其使。非以我有德。歛。

且無使季氏葬我。葬靈王。不書。魯不。會。鄭上

卿有事。子展使印段往。伯有曰。弱不可。印段。年少。

子展曰。與其莫往。弱不猶愈乎。詩

官卑。少。詩照反。

云王事靡盬不遑啓處

詩小雅。盬。不堅固也。啓。跪也。言王事無不

堅固。故不暇跪處。監音古。跪其委反。

東西南北誰敢寧處

謂上

卿堅事晉楚以蕃王室也

言我固事晉楚。乃所以蕃屏王室。

蕃芳元反

王事無曠何常之有遂使印段如周

傳

周衰。卑於晉楚

吳人伐越獲俘焉以為閹使守舟吳

子餘祭觀舟閹以刀弑之

言以刀。明近刑人

鄭子展

卒子皮即位

子皮代父為上卿

於是鄭饑而未及麥

民病子皮以子展之命餼國人粟戶一鍾

在

故以父命也。六斛四斗曰鍾。餼許氣反

是以得鄭國之民故罕氏常

掌國政以為上卿宋司城子罕聞之曰鄰於

善民之望也

民亦望君為善

宋亦饑請於平公出公

粟以貸使大夫皆貸司城氏貸而不書

施而不德

貸他代反。下同。施始。豉反。下文同。

為大夫之無者貸宋無

饑人叔向聞之曰鄭之罕宋之樂其後亡者

也二者其皆得國乎

得掌國政。向許丈反

民之歸也

施而不德樂氏加焉其以宋升降乎

升降。隨宋威衰

晉平公杞出也故治杞

治理其地。脩其城

六月知悼

子合諸侯之大夫以城杞孟孝伯會之鄭子

大叔與伯石往音智。不書。不親事。知子大

叔見大叔文子文子。衛儀。與之語。文子曰。甚乎

其城祀也。子大叔曰。若之何哉。晉國不恤周

宗之闕而夏肄是屏周宗。諸姬也。夏肄。祀也。肄。以

二反。詩傳云。斬而復生曰肄。方言云。枿餘也。秦國之間曰肄。其奔諸姬亦

可知也已。諸姬是弃。其誰歸之。吉也。聞之。弃

同即異。是謂離德。詩曰。協比其鄰。昏姻孔云

詩小雅。言王者和協近親。則昏姻甚歸附也。比。毗志反。晉不鄰矣。其誰

云之。云。猶旋。旋。歸之。齊高子容與宋司徒見知伯女

齊相禮子容。高止也。司徒。華定也。知伯。荀盈也。女。音汝。相。女。齊。司馬侯也。相禮。侍威儀也。

息亮反。注同。賓出。司馬侯言於知伯曰。二子

皆將不免。子容專是也。自司徒侈皆亡家之主

也。知伯曰。何如。對曰。專則速及速。及。禍也。侈。昌氏反。

侈將以其力斃力盡而自斃。斃。婢世反。專則人實斃之

將及矣為此秋高止出奔燕。昭二十年華定出奔陳。傳。專則人實斃之。絕句。

范獻子來聘。拜城祀也謝魯為祀城。為干。偽反。下文為之歌。皆

同。公享之。展莊叔執幣公將以。射者三耦。二

為耦。耦。五口反。公臣不足。取於家臣。家臣展。瑕。展

王父為一耦。公臣公巫召伯仲顏莊叔為一

耦。鄆鼓父黨叔為一耦。言公室卑微。公臣不能備於三耦。召上

照反。鄆才陵。反。黨徐音掌。晉侯使司馬女叔侯來治杞

田。使魯歸前侵杞田。所歸少。故不書。弗盡歸也。晉悼夫人愠

曰：齊也取貨。夫人平公母。杞女也。謂叔侯取貨於魯。故不盡歸杞田。愠紆

運。先君若有知也。不尚取之。不尚。叔侯之取貨。公告

叔侯。叔侯曰：虞虢。焦滑。霍揚。韓魏。皆姬姓也。

八國皆晉所滅。焦在陝縣。揚屬平陽郡。虢瓜百反。滑平八反。晉是以大

若非侵小。將何所取。武獻以下。兼國多矣。武公

獻公。晉始盛之君。誰得治之。杞夏餘也。而即東夷。行

禮魯。周公之後也。而睦於晉。以杞封魯。猶可

而何有焉。何有。盡歸之。魯之於晉也。職貢不乏。玩

好時至。公卿大夫相繼於朝。史不絕書。書魯之朝

聘。好呼報。反。下好善同。府無虛月。無月不。受魯貢。如是可矣。何

必瘠魯以肥杞。且先君而有知也。毋寧夫人

而焉用老臣。言先君母寧。怪夫人之所為。無用責我。瘠在亦反。母音無

馬於。反。杞文公來盟。魯歸其田。故來盟。書曰：子賤之

也。賤其用。夷禮。吳公子札來聘。見叔孫穆子。說之。

謂穆子曰。子其不得死乎。不得以壽終。說音悅。壽音授。

好善而不能擇人。吾聞君子務在擇人。吾子

為魯宗卿而任其大政。不慎舉何以堪之。禍

必及子。為昭四年豎牛作亂起本。請觀於周樂。魯以周公禮

使工為之歌。周南召南。此皆各依其本國歌所常用聲曲。

召上曰美哉。始基之矣。周南召南。王化之基。猶未

也。猶有商紂未盡善也。盡津忍反。然勤而不怨矣。未能安樂聲。下文樂而不荒同。

為之歌。邶鄘衛。武伐紂分其地為三監。三監叛。周公滅之。更封康叔并三監之地。故三國盡被康叔之化。

音不怨怒。樂音洛。下和。

曰美哉。淵乎。憂而不困者也。淵深也。亡

以思其民困。衛康叔武公德化深遠。雖遭宣公淫亂懿公滅亡。民猶秉義不至於困。思

吾聞衛康叔武公之德如是。是其

衛風乎。康叔周公弟。武公康叔九世孫。皆衛

為之歌王。王黍離也。幽王遇西戎之

曰美哉。思而不懼。其周之

為之歌鄭

曰美哉。其細已甚。民弗堪也。是其先亡

乎。美其有治政之音。譏為之歌齊。詩第曰美

哉泱泱乎大風也哉泱泱弘大之聲。泱於

反康表東海者其大公平大公封齊為東海國

未可量也言其或為之歌詩第十五。舊國在新平

漆縣東北。曰美哉蕩乎樂而不淫其周公

之東乎蕩乎蕩然也。樂而不淫。言有節。周公

穆先公不敢荒淫。以成王業。故言其周公之

而可以樂放此。為于偽為于偽為之歌秦詩第十

反。王業如字。又于况反為于偽為之歌秦詩第十

也其周之舊乎秦本在西戎。汧隴之西。秦仲

而有諸夏之聲。故謂之夏聲。及襄公佐周。平

王東遷而受其故地。故曰周之舊。汧苦取反。去

聲為之歌魏詩第九。魏姬姓國。閔曰美哉渢

渢乎大而婉險而易行以德輔此則明主也

渢渢中庸之聲。婉約也。險當為儉。字之誤也。

大而約則儉節易行。惜其國小無明君也。

阮扶弓反。徐敷劒反。韋昭音凡。婉紆為之

歌唐詩第十。唐晉詩曰思深哉其有陶唐氏之遺民

乎不然何憂之遠也晉本唐國。故有堯之遺

反思息嗣非令德之後誰能若是為之歌陳

詩第十二曰國無主其能久乎淫聲放蕩無所畏

自鄙以下無譏焉鄙第十三。曹第十四。言季子聞此二國歌。不復譏論

之。以其微也。鄙古外反。為之歌小雅小雅。小正。亦曰美

哉思而不貳思文武之德。無貳叛之心。怨而不言有哀音。其

周德之衰乎。衰小也。猶有先王之遺民焉謂有殷王

餘俗。故未大。為之歌大雅大雅。陳文王之德。以正天下。曰廣哉

熙熙乎熙熙。和樂聲。曲而有直體論其聲。其文王之

德乎雅頌所以詠盛德形容。故但歌其美者。不皆歌變雅。為之歌頌頌者

以其成功。曰至矣哉言道備。直而不倨倨。傲。倨音據。

徐音居。傲五報反。曲而不屈屈。撓。乃孝反。撓。邇而不偏謙

力反。偏。彼遠而不攜攜。二。攜。二。遷而不淫淫。過。蕩。復而不

厭常日新。厭於衰而不愁命知樂而不荒節

禮。以用而不匱德弘大。廣而不宣不自顯。施而不費

因民所利而利之。始豉反。費芳味反。施。取而不貪義然。後取。處而

不底守之以道。底。下禮反。行而不流制之以義。五聲和宮商

角徵羽。謂之五聲。徵。張里反。八風平八方之氣。謂之八風。節有度。守

有序八音克諧。節有度也。盛德之所同也頌

殷魯。故曰盛德之所同。見舞象箛南籥者象箛。舞所執。南籥。以箛舞

也。皆文王之樂。箛音朔。籥羊略反。曰美哉。猶有憾美哉。美其容也。

文王恨不及已致太平見舞大武者武王曰

美哉周之盛也其若此乎見舞韶濩者殷湯

韶韶上昭反濩音護徐戶郭反曰聖人之弘也而猶有慙德

聖人之難也慙於始代見舞大夏者禹之樂曰美哉

勤而不德非禹其誰能脩之盡力溝洫勤也

見舞韶箛者舜樂箛音簫曰德至矣哉大矣如天

之無不疇也疇徒報反如地之無不載也雖

甚盛德其蔑以加於此矣觀止矣若有他樂

吾不敢請已魯用四代之樂故及韶箛而季子知其終也季札賢明才博在

吳雖已涉見此樂歌之文然未聞中國雅聲故請作周樂欲聽其聲然後依聲以參時政

知其興衰也聞秦詩謂之夏聲聞頌曰五聲和八風平皆論聲以參政也舞畢知其樂終

是素知其篇數其出聘也通嗣君也吳子餘祭嗣立故遂聘

于齊說晏平仲謂之曰子速納邑與政納歸之公

說音悅下皆同無邑無政乃免於難齊國之政將

有所歸未獲所歸難未歇也歇盡也難乃

歇許反故晏子因陳桓子以納政與邑是以免

於樂高之難難在昭八年聘於鄭見子產如舊相

識與之縞帶子產獻紵衣焉大帶也吳地貴縞鄭地貴紵故

各獻已所貴。示損已而不為彼貨利。謂子縹。古老反。徐古到反。縹也。紂直呂反。謂子

產曰。鄭之執政。侈難將至矣。政必及子。子為

政。慎之以禮。不然。鄭國將敗。伯侈。謂伯有。適衛。說遽

瑗。遽伯玉。史朝之子。文子。朝。史鮪。史魚。

公子荆。公叔發。公叔文子。公子朝曰。衛多君子。

未有患也。自衛如晉。將宿於戚。戚。孫文子之邑。聞鍾

聲焉。曰。異哉。吾聞之也。辯而不德。必加於戮。

辯。猶爭也。爭。爭鬪之爭。夫子獲罪於君。以在此。孫文子以戚叛。

懼猶不足。而又何樂。夫子之在此也。猶燕之

巢于幕上。言至危。君又在殯。而可以樂乎。獻公卒。未葬。

遂去之。不止宿。文子聞之。終身不聽琴瑟。義聞。

能改。適晉。說趙文子。韓宣子。魏獻子。曰。晉國其

萃於三族乎。言晉國之政。將集於三。萃。在醉反。集也。說叔向

將行。謂叔向曰。吾子勉之。君侈而多良。大夫

皆富。政將在家。富必厚施。故政在家。吾子好直。

必思自免於難。秋九月。齊公孫蠆。公孫竈。放

其大夫高止於北燕。蠆。子尾。竈。子雅。放者。宥之。以遠。蠆。敕邁反。

宥音又。乙未。出書曰。出奔。罪高止也。實放書奔。所以示罪。

高止好以事自為功且專故難及之

報反。好呼。

冬孟孝伯如晉報范叔也

范叔士鞅也。此年夏來聘。

為高

氏之難故高豎以盧叛

豎高止子。為于偽。反。下注為子產同。

豎上主反

十月庚寅閭丘嬰帥師圍盧高豎曰苟

使高氏有後請致邑

還邑於君

齊人立敬仲之曾

孫鄰

敬仲高僖。顯反。僖音兮。

良敬仲也

良猶十一賢也。

月乙卯高豎致盧而出奔晉晉人城縣而寘

旃

晉人善其致邑。之鼓反。旃之然反。

鄭伯有使公孫黑如

楚

黑子皙。

辭曰楚鄭方惡而使余往是殺余也

伯有曰世行也

言女世為行人。女音汝。

子皙曰可則往

難則已何世之有伯有將強使之子皙怒將

伐伯有氏大夫和之十二月己巳鄭大夫盟

於伯有氏禘諶曰是盟也其與幾何

言不能久也。禘諶。

曰君子屢盟亂是用長今是長亂之道也禍

未歇也必三年而後能紓

紓解也。長下丈反。下同。

然明日政將焉往禘諶曰

善之代不善天命也其焉辟子產

言政必歸子產。焉。

往於虔反。下同。舉不踰等則位班也子產位班。次應知政。擇善

而舉則世隆也世所高也。天又除之奪伯有魄其喪

精神為子產驅除。喪息浪反。驅子西即

世將焉辟之天禍鄭久矣其必使子產息之

乃猶可以戾戾定也。不然將亡矣

經三十年春王正月楚子使遠罷來聘音皮

夏四月蔡世子般弒其君固音班五月甲午

宋災曰天火災。宋伯姬卒天王殺其弟佞夫稱弟以惡

王子瑕奔晉不言出奔周無

外秋七月叔弓如宋葬宋共姬共姬從夫謚也。叔弓叔老

之子。卿共葬事禮過厚。三月而葬。鄭良霄出

奔許者酒荒淫書名罪。著市志反。自許入于鄭不言復

無鄭人殺良霄冬十月葬蔡景公無晉人齊

人宋人衛人鄭人曹人莒人邾人滕人薛人

杞人小邾人會于澶淵宋災故會未有言其事者此言宋

災故以惡宋人不克已自責而出

會求財。澶市然反。字林文仙反。

傳三十年春王正月楚子使遠罷來聘通嗣

君也邾敖即位穆叔問王子之為政何如王子圍為令尹

對曰。吾儕小人。食而聽事。猶懼不給命。而不

免於戾焉。與知政。固問焉。不告。穆叔告大夫。

曰。楚令尹將有大事。子蕩將與焉。子蕩。蕩。子比皆

反。○焉。與於虔反。下音預。下將與與於食同。助之。匿其情矣。子圍素貴。

邾敖微弱。諸侯皆知其將為亂。故穆叔問之。○匿其乙反。子產相鄭伯以

如晉。叔向問鄭國之政焉。對曰。吾得見與否。

在此歲也。駟良方爭。未知所成。駟氏。子皙也。良氏。伯有也。

○相息亮反。○爭。爭鬪之爭。下注駟良爭同。若有所成。吾得見乃

可知也。叔向曰。不既和矣乎。對曰。伯有侈而

復。復。狠也。○復。彼力反。○狠。胡墾反。子皙好在人上。莫能相

下也。雖其和也。猶相積惡也。惡至無日矣。此為

年秋。良霄出奔。傳。呼報反。○下。還嫁反。○好。二月癸未。晉悼夫人

食輿人之城祀者。輿。衆也。城祀在往年。○食音嗣。絳縣人或

年長矣。無子。而往與於食。有與疑年。使之年

使言其年。○長。丁丈反。曰。臣小人也。不知紀年。臣生之

歲正月甲子朔。四百有四十五甲子矣。其季

於今三之一也。所稱正月。謂夏正月也。三十分六甲之一。得甲子甲戌盡癸

未。吏走問諸朝。皆不知。師曠曰。魯叔仲惠伯

會卻成子于承匡之歲也在文十一年是歲也狄

伐魯叔孫莊叔於是乎敗狄于鹹獲長狄僑

如及虺也豹也而皆以名其子七十三年矣

叔孫僑如叔孫豹皆取長狄名。虺虛鬼反。史趙曰亥

有二首六身史趙晉大史亥字二畫在上併

反下二如身是其日數也下亥上二畫豎置身旁士文

伯曰然則二萬六千六百有六旬也文伯士

趙孟問其縣大夫則其屬也屬趙武召之而謝

過焉曰武不才任君之大事以晉國之多虞

不能由吾子由用也使吾子辱在泥塗久矣武

之罪也敢謝不才遂仕之使助為政辭以老

與之田使為君復陶復陶主衣服之官復音服又音偏以為

絳縣師縣師掌地域辨其夫家人民而廢其輿尉以役孤老故

於是魯使者在晉歸以語諸大夫季武子曰

晉未可媮也媮薄也。使所吏反。媮他侯反。有趙孟

以為大夫有伯瑕以為佐伯瑕士有史趙師

曠而咨度焉有叔向女齊以師保其君其朝

多君子其庸可媮乎勉事之而後可傳言晉所以不

也。諸侯且明歷。夏四月己亥，鄭伯及其大夫

盟。駟良。君子是以知鄭難之不已也。鄭伯微也。度待洛反。

制其臣下。君子詛盟。故曰亂未。蔡景侯為大

子般娶于楚，通焉。太子弑，景侯終子產言有。

于偽。初，王儋季卒。儋季，周靈王弟。其子括將

見王而歎。括，除服見靈王。入朝而歎。見賢遍反。注同。單公

子愆期為靈王御士，過諸廷。愆期，行過王廷。單音善。

起虔。聞其歎而言曰：烏呼！必有此夫。欲有此朝廷之

權。夫入以告王，且曰：必殺之，不感而願太

視躁而足高，心在他矣。不殺必害。王曰：童子

何知？及靈王崩，儋括欲立王子佞夫。佞夫，靈王弟。景

早報反。躁。佞夫弗知。戊子，儋括圍蕞，逐成愆

成愆。蕞，邑大夫。成愆奔平時。平時，周邑。時音止。又音市。

五月癸巳，尹言多，劉毅單蔑甘過，鞏成殺佞

夫。五子，周大夫。過音戈。鞏力勇反。括瑕，廖奔晉。括，廖不書。廖賤也。

力彫一音。書曰：天王殺其弟佞夫，罪在王也。佞夫

不知故。經書在。或叫于宋大廟。叫，呼也。呼古

宋災下從赴。火故曰：諄諄出出。諄諄，熱也。出出，戒伯姬。如字。鄭注周

襄三十年

左傳卷二十九

二十九

禮引此作訕訕。鳥鳴于亳社。如曰譖譖。皆

妖也。甲午。宋大災。宋伯姬卒。待姆也。姆。女師。徐音茂。

字林亡。又君子謂宋共姬。女而不婦。女待人

待。人婦義事也。義從宜也。伯姬時年六十左右。六月。鄭子產

如陳。泣盟。歸復命。告大夫曰。陳亡國也。不可

與也。不可與結好。呼報反。聚禾粟。繕城郭。恃此二者

而不撫其民。其君弱植。公子侈。大夫

敖。政多門。政不由一人。繹上戰反。植以直吏反。一時力反。敖五報反。

介於大國。介間也。能無亡乎。不過十年矣。為昭八年

楚滅陳。傳秋七月。叔弓如宋。葬共姬也。傷伯姬之

卿共葬。鄭伯有者。酒為窟室。窟室。地室。共音恭。窟市志反。窟

口忽。而夜飲酒。擊鍾焉。朝至未已。朝者曰。公

焉在。家臣故謂伯有為焉。在於虔反。其人曰。吾公在壑谷

壑谷。窟室。皆自朝布路而罷。布路。分散。罷呼洛反。罷皮買反。徐

扶彼。既而朝。伯有朝鄭君。則又將使子皙如楚。歸

而飲酒。庚子。子皙以駟氏之甲伐而焚之。伯

有奔雍梁。雍梁。鄭地。雍於用反。醒而後知之。遂奔許。

大夫聚謀。子皮曰。仲虺之志。仲虺。湯左相。醒星頂反。相。

左傳卷二十九

二十九

襄三十年

息亮

云亂者取之亡者侮之推亡固存國之

利也罕駟豐同生

罕子皮駟子皙豐公孫伯段也三家本同母兄弟

有汰侈故不免

三家同出而伯有孤特又人汰侈所以亡

謂子產就直助疆

時謂子皙直三家疆子產曰豈為我

徒

徒黨也言不以駟良為黨國之禍難誰知所敝或主疆

直難乃不生

言能疆能直則可弭難今三家未能則伯有方爭難乃旦反

下及注同弭彌氏反

姑成吾所

欲以無所附著為辛

丑子產斂伯有氏之死者而殯之不及謀而

遂行

不與於國謀斂力豔反下

印段從之

義子

子皮止之衆曰人不我順何止焉子皮

曰夫子禮於死者况生者乎遂自止之壬寅

子產入癸卯子石入

子石印段皆受盟于子皙氏

乙巳鄭伯及其大夫盟于大宮

大宮祖廟盟國人

于師之梁之外

師之梁鄭城門伯有聞鄭人之盟已

也怒聞子皮之甲不與攻已也喜曰子皮與

我矣癸丑晨自墓門之瀆入

墓門鄭城門瀆徐音豆因

馬師頡介于襄庫以伐舊北門

馬師頡子羽

反駟帶率國人以伐之

駟帶子西之子皆召

子產

駟氏伯有俱召

子產曰。兄弟而及此。吾從天所

與

兄弟恩等。故無所偏助。

伯有死於羊肆

羊肆市列。

子產

之枕之股而哭之。斂而殯。諸伯有之臣在市

側者。既而葬諸斗城。

斗城。鄭地名。音遂。枕之。鴛反。

子駟

氏欲攻子產。子皮怒之曰。禮國之幹也。殺有

禮禍莫大焉。乃止。

斂葬伯有。為有禮。

於是游吉如晉。

還聞難不入。

懼禍并及。乃旦反。

復命于介。八月甲

子奔晉。駟帶追之。及酸棗。與子上盟。用兩珪

質于河。

子上。駟帶也。沈珪於河。為信也。酸棗。陳留縣。質如字。一音致。一本作與。

子上盟絕句。用兩珪質于河。別為一句。沈音鳩。又如字。使公孫盱入盟

大夫。己巳。復歸。

游吉歸也。盱許乙反。

書曰。鄭人殺良

霄。不稱大夫。言自外入也。

既出位絕。非復鄭大夫。

於子

蟠之卒也。

子蟠。公孫薑卒。在十年。蟠居表反。

將葬。公孫揮

與裨竈晨會事焉。

會葬事。

過伯有氏。其門上生

莠。子羽曰。其莠猶在乎。

子羽。公孫揮以莠喻伯有。伯有侈。知其不

能久存。莠羊九反。草也。

於是歲在降婁。降婁中而曰

奎婁也。周七月。今五月。降婁中而天明。降戶江反。下及注同。奎苦圭反。

裨竈

指之曰。猶可以終歲。

指降婁也。歲星十二年而一終。

歲不及

此次也已

不及降婁

及其亡也。歲在姬訾之口。

姬訾

營室東壁。二十八年歲星淫在玄枵。今三十年在姬訾。是歲星停在玄枵二年。姬訾子須

反。訾子斯反。枵許驕反。

其明年乃及降婁。僕展從伯

有與之皆死。

僕展鄭大夫伯有黨

羽頡出奔晉。為任大

夫。

羽頡馬師頡。任晉縣。今屬廣平郡。任音王。

雞澤之會。

任三鄭

樂成奔楚。遂適晉。羽頡因之。與之比而事趙

文子。言伐鄭之說焉。以宋之盟故不可。

宋盟約弭

兵故。比毗志反。

子皮以公孫鉏為馬師。

鉏子罕之子。代羽頡

楚公子圍殺大司馬蔣掩而取其室。

蔣掩二十五年

為大司馬

申無宇曰。王子必不免。

無宇。芋尹。

善

人國之主也。王子相楚國。將善是。封殖而虐

之。是禍國也。且司馬令尹之偏。

偏。佐也。息亮反。下善

相之同

而王之四體也。

俱股肱也

絕民之主。去身之

偏。艾王之體。以禍其國。無不祥大焉。何以得

免。

為昭十三年楚弑靈王傳。艾魚廢反。

為宋災故。

為于諸

侯之大夫會以謀歸宋財。冬十月。叔孫豹會

晉趙武。齊公孫蠆。宋向戌。衛北宮佗。

佗。北宮括之子。

河反。佗徒

鄭罕虎。

虎。子皮

及小邾之大夫。會于澶

淵既而無歸於宋。故不書其久。君子曰：信其不可不慎乎。澶淵之會，卿不書，不信也。夫諸侯之上卿會而不信，寵名皆弃，不信之不可也。如是，寵謂族也。也夫音扶。一讀夫為下句首。詩曰：文王陟降，在帝左右。信之謂也。詩大雅。言文王所以能上接天，下接人，動順帝者。唯以信。又曰：淑慎爾止，無載爾偽，不信之謂也。逸詩也。言當善慎舉止。無載行詐偽。書曰：某人某人會于澶淵，宋災故尤之也。傳云：既而無歸，所以釋諸侯尤之。所以釋向戌之并貶也。戌為正卿，深致火災，燒殺其夫人。未聞克己之意，而以求財。

合諸侯故與不歸財者同文。不書魯大夫諱之也。向戌既財諸大夫許而不歸，客主皆貶。君子以尊尊之義也。君親有隱，故略不書魯大夫以示例。鄭子皮授子產政。伯有死，子皮知政。讓之辭曰：國小而偏，偏近大國。族大寵多，不可為也。子皮曰：虎帥以聽，誰敢犯子。子善相之。國也。治也。無小。言在治政。小能事大國，乃寬。為大所恤故也。子產為政，有事，伯石賂與之邑。伯石，公孫段。有事欲使之。子大叔曰：國皆其國也。奚獨賂焉。言鄭大夫共憂鄭國事，何為獨賂之。子產曰：無欲實難。言人不能無欲。皆得其欲，以從其

事而要其成。非我有成。其在人乎。言成猶在

○要一遙。反。下注同。何愛於邑。邑將焉往。言猶在國。於虔反。

子大叔曰。若四國何。恐為四鄰所笑。子產曰。非相違

也。而相從也。言賂以邑。欲為和順。四國何尤焉。鄭書有

之。鄭國史書。曰。安定國家。必大焉先。先和大族。而後國家安。

焉先。並如字。姑先安大。以待其所歸。要其成也。既。伯石

懼而歸邑。卒與之。卒。終也。伯有既死。使大史命

伯石為卿。辭。大史退。則請命焉。請大史更命也。復命

之。又辭。如是三。乃受策入拜。子產是以惡其

為人也。惡其虛飾。如字。○惡鳥路反。注同。使次已位

畏其作亂。故寵之。子產使都鄙有章。國都及邊鄙。車服尊卑。各有分

部。分扶運反。上下有服。公卿大夫。服不相踰。田有封洫。封。疆也。洫。

溝也。廬井有伍。廬。舍也。九夫為井。使五家相保。大人之忠儉者

謂卿大夫。從而與之。泰侈者。因而斃之。因其有罪。而斃。踏之。

○踏。蒲北反。豐卷將祭。請田焉。弗許。田。獵也。眷。勉反。徐居

阮曰。唯君用鮮。鮮。野獸。衆給而已。衆。臣祭。以芻豢為足。○豢

音患。牛羊曰芻。犬豕曰豢。子張怒。子張。豐卷。退而徵役。召兵欲攻子產

子產奔晉。子皮止之。而逐豐卷。豐卷奔晉。子



產請其田里請於公不沒入三年而復之反其田里

及其入焉田里所收入從政一年輿人誦之曰取

我衣冠而褚之褚畜也奢侈者畏法故畜藏褚張呂反畜勅六反

取我田疇而伍之孰殺子產吾其與之並畔為疇

並蒲杏反又蒲頂反及三年又誦之曰我有子弟子

產誨之我有田疇子產殖之殖生也殖時力反徐是吏反

此協下韻子產而死誰其嗣之嗣續也傳三鄭所以興

經三十有一年春王正月夏六月辛巳公薨

于楚宮公不居先君之路寢而安所樂失其所也樂音洛一音岳又五教反

秋九月癸巳子野卒不書葬未成君巳亥仲孫羯卒

冬十月滕子來會葬諸侯會葬非禮癸酉葬我君襄

公十有一月莒人弒其君密州不稱弒者主名君無道也

傳三十一年春王正月穆叔至自會澶淵會還見

孟孝伯語之曰語魚據反下吾語諸同趙孟將死矣其

語偷不似民主且偷苟且年未盈五十而諄諄

焉如八九十者弗能久矣成二年戰於鞏趙朔已死於是趙文

子始生至襄三十年會澶淵蓋年四十七八故言未盈五十諄徐之閏反或之純反

若趙孟死為政者其韓子乎韓起吾子盍與

季孫言之可以樹善君子也

言韓起有君子之德。今方知政。

可素往立善。盍戶臘反。

晉君將失政矣。若不樹焉使早

備魯

使韓子早為魯備。

既而政在大夫韓子懦弱大

夫多貪求欲無厭。

儒乃辭反。厭於鹽反。

齊楚未足與

也。魯其懼哉。孝伯曰。人生幾何。誰能無偷朝

不及夕。將安用樹。穆叔出而告人曰。孟孫將

死矣。吾語諸趙孟之偷也。而又甚焉。

言朝不及夕。偷

之甚也。幾居豈反。朝如字。注同。

又與季孫語晉故

如與孟孫言。

季孫不從。及趙文子卒。

在昭元年。

晉公室卑。政在

侈家。韓宣子為政。不能圖諸侯。魯不堪。晉求

讒。慝弘多。是以有平丘之會。

平丘會。在昭十三年。晉人執季

孫意如。

齊子尾害閻丘嬰。欲殺之。使帥師以伐

陽州

陽州魯地。

我問師故

魯以師往問齊。何故伐我。

夏五月子

尾殺閻丘嬰。以說于我師。

言伐魯者。嬰所為也。伐陽州不書。不

成伐。說如字。

工倮灑消竈。孔虺賈寅出奔莒。

四子。嬰之

黨。倮力侯反。麗所蟹反。舊所綺反。省生領反。徐本作省。所幸反。一息井反。一音銷。

鬼反。虺許。

出羣公子

為昭十年。樂高之難。復羣公子起本。難乃旦反。

公作楚宮

適楚。好其宮。歸而呼報反。

穆叔曰。大誓云

民之所欲天必從之

今尚書大誓亦無此文。故諸儒疑之。

君欲楚也夫故作其宮若不復適楚必死是

宮也六月辛巳公薨于楚宮叔仲帶竊其拱

璧拱璧公大璧以與御人納諸其懷而從取

之由是得罪得罪謂魯人薄之故立胡女敬

歸之子子野胡歸姓之國次于季氏秋九月

癸巳卒毀也過哀毀瘠以致滅已亥孟孝伯

卒終穆叔言立敬歸之弟齊歸之子公子稠齊謚

公名。稠直由反。穆叔不欲曰太子死有母弟

則立之無則立長立庶子則以年年鈞擇賢

義鈞則卜古之道也先人事後卜筮非適嗣

何必娣之子言子野非適嗣且是人也居喪

而不哀在感而有嘉容是謂不度不度之人

鮮不為患若果立之必為季氏憂武子不聽

卒立之比及葬三易衰衰衽如故衰言其嬉

鮮息淺反。比必利反。三如字。又息暫

也於是昭公十九年矣猶有童心君子是以

知其不能終也為昭二十五年冬十月滕成

公來會葬。惰而多涕。惰不敬也。禮反。子服

惠伯曰：滕君將死矣，怠於其位而哀已甚，北

於死所矣。有死北。能無從乎？為昭三年滕子卒傳。癸酉葬

襄公。公薨之月，子產相鄭伯以如晉。晉侯以

我喪故未之見也。子產使盡壞其館之垣而

納車馬焉。士文伯讓之曰：敝邑以政刑之不

修，寇盜充斥。充滿斥見。言其多。相息亮反。壞音怪。下皆同

諸侯之屬，辱在寡君者，何？是以令吏人完客

所館。館舍也。令力。高其閤閼。閼門也。說文

云：閤也。汝南平輿縣里門曰閤。沈去。閉也。閼獲耕反。杜云：門也。爾雅云：衡門謂之閼。又云：所以止扉謂之閼。然爾雅本止扉之名。或作閼字。讀者因改左傳。皆作各音。案下文云：門不容車。此云高其閤閼。俱謂門耳。於義自通。無為穿鑿。厚其牆垣以無

憂客使。無令客使憂。寇盜今吾子壞之。雖從

者能戒其若異客，何以敝邑之為盟主，繕完

葺牆。葺覆也。從才用反。下賓從同。葺侵入反。徐音集。一子入反。謂以草覆牆。

以待賓客。若皆毀之，其何以共命？寡君使匄

請命。請問毀垣之命。共音恭。匄又作丐。古害反。士文伯名也。今傳本皆作此字。

工專云

工專云

工專云

工專云

或作正字。釋例亦然。解者云。士文伯。是范氏之族。不應與范宣子同名。作正是也。按士文伯。字伯瑕。又春秋時人。名字皆相配。楚令尹陽巧。字子瑕。即與文伯名字正同。又鄭有駟乞。字子瑕。句與乞義同。則作句者是。又案魯有仲嬰齊。是莊公之孫。又有公孫嬰齊。是文公之孫。仲嬰齊。於公孫嬰齊為從祖。同時同名。鄭有公孫段。字子石。又云。伯石。印段。字伯石。傳又謂之二子石。然印段。即公孫段從父兄弟之子。尚同名字。伯瑕。與宣子何廢同乎。對曰。以敝邑褊小。介於大國。介。間也。褊。必淺反。誅求無時。誅。責也。是以不敢寧居。悉索敝賦。以來會時事。隨時來朝會。索。所白反。一悉各反。逢執事之不閒。而未得見。又不獲聞命。未知見時。不敢輸幣。亦不

敢暴露其輸之。則君之府實也。非薦陳之不

敢輸也。薦。陳。猶獻見也。間。音閑。見賢。其

暴露之。則恐燥濕之不時。而朽蠹以重敝邑

之罪。僑聞文公之為盟主也。僑。子產名。文公。晉重耳。燥。素

早反。蠹。丁故反。蟲敗也。以重。直用反。宮室

卑庫。無觀臺榭。以崇大諸侯之館。館如公寢

庫。廡繕脩。司空以時平易道路。易。治也。庫。音婢。亦音甲。

。觀。古亂反。土高曰臺。有木曰榭。圻人。以時

填館宮室。圻。人。塗者。填。塗也。圻。音烏。填。莫歷反。諸侯賓至。

甸設庭燎

庭燎。設火於庭。燎。力妙。反。徐力遙反。庭燎。大燭。

僕人巡

宮

巡宮。行夜。孟反。下。巡行同。

車馬有所

有所

賓從有

代

代客

巾車脂轄

巾車。主車之官。轄。戶轄反。

隸人牧圉

各瞻其事

瞻。視客。所當得。

百官之屬各展其物

展。陳也。謂

羣官各陳其物以待賓

公不留賓而亦無廢事

賓得速去。則事

不憂樂同之事則巡之

巡。行也。樂。音洛。

教其不知

而恤其不足。賓至如歸。無寧菑患

言見遇如此。寧當復

有菑患邪。無寧。寧也。菑。音災。

不畏寇盜而亦不患燥濕。今

銅鞮之宮數里

銅鞮。晉離宮。鞮。丁兮反。數。所主反。

而諸侯

舍於隸人

舍。如隸人舍。

門不容車而不可踰越

庭門

之內迫迮。又有牆垣之限。迮。側百反。

盜賊公行而天癘不戒

癘。猶災也。言水潦無時。

賓見無時。命不可知。若又勿壞

是無所藏幣以重罪也。敢請執事。將何所命

之。 問。晉命已所止之。且。見賢通反。

雖君之有魯喪亦敝邑

之憂也

言鄭與魯亦同姓之憂。

若獲薦幣

薦。進也。

脩垣而

行也。 去。

君之惠也。敢憚勤勞。文伯復命

反命於晉。

君趙文子曰。信

信。如子。產言。

我實不德而以隸人

之垣以羸諸侯

羸。受也。音盈。

是吾罪也。使士文

伯謝不敏焉晉侯見鄭伯有加禮禮加敬厚其

宴好而歸之乃築諸侯之館叔向曰辭之不

可以已也如是夫子產有辭諸侯賴之若之

何其釋辭也詩曰辭之輯矣民之協矣辭之

繹矣民之莫矣詩大雅言辭輯睦則民協同辭說繹則民安定莫猶定也

好呼報反夫音扶亦以夫為下句首其

知之矣謂詩人知辭之有益鄭子皮使印段如楚以適

晉告禮也得事大國之禮莒犁比公生去疾及展輿

犁比莒子密州之號犁力私反或力兮反比音毗既立展輿立以為世

子又廢之犁比公虐國人患之十一月展輿

因國人以攻莒子弒之乃立展輿立為君去疾奔

齊齊出也母齊女也展輿吳出也為明年奔吳傳書曰莒

人弒其君買朱鉏買朱鉏密州之字言罪之在也罪在

鉏也傅始例申明君臣書弒今者父子故復重明例重直用反吳子使屈

狐庸聘于晉狐庸巫臣之子也成七年適吳為行人屈居勿反通路

也通吳晉之路趙文子問焉曰延州來季子其果

立乎延州來季札邑巢隕諸樊在二十五年隕于敏反闔戕戴

吳在二十九年戴吳餘祭闔音天似啓之

何如對曰不立是二王之命也非啓季子也

若天所啓其在今嗣君乎嗣君謂夷昧甚德而度

德不失民民歸德度不失事審事民親而事有

序其天所啓也有吳國者必此君之子孫實

終之季子守節者也雖有國不立言其三兄雖欲傳國

與之終不肯立十二月北宮文子相衛襄公

以如楚文子北宮佗襄公獻公子相息亮反宋之盟故也楚晉

之從交相見也過鄭印段廷勞于棐林如聘禮而以

勞辭用聘禮而用郊勞之辭過古禾反棐

勞尾反文子入聘報印子羽為行人馮簡子與

子大叔逆客逆文事畢而出言於衛侯曰鄭

有禮其數世之福也其無大國之討乎詩曰

誰能執執逝不以濯詩大雅濯以水濯手數所主反濯直角反

禮之於政如執之有濯也濯以救執何患之

有此以上文子辭子產之從政也擇能而使

之馮簡子能斷大事子大叔美秀而文其貌美其

才秀亂反下同斷丁公孫揮能知四國之為知諸侯所欲為

而辨於其大夫之族姓班位貴賤能否而又

善為辭令。裨諶能謀。謀於野則獲。

得所謀也。裨，婢支。

反。謀，市林反。

謀於邑則否。

此才性之蔽。

鄭國將有諸侯

之事。子產乃問四國之為於子羽，且使之為

辭令。與裨諶乘以適野，使謀可否，而告馮簡

子，使斷之。事成，乃授子大叔，使行之以應對

賓客。是以鮮有敗事。北宮文子所謂有禮也。

傳跡子產行事以明北宮文子之鮮息淺反。鄭人游于鄉之言。乘繩證反。鄭國謂學為校。

校，鄉之學校也。校，戶孝反。以論執政，論其然

明謂子產曰：毀鄉校如何？患入於中，諂議國政。諂，布浪反。

子產曰：何為？夫人朝夕退而游焉，以議執政

之善否。其所善者，吾則行之；其所惡者，吾則

改之。是吾師也。若之何毀之？吾聞忠善以損

怨，為忠善則怨謫息。夫音扶。下并注同。朝直遙反。舊如字。惡烏路反。又如字。

不聞作威以防怨，欲毀鄉校。即作威。豈不遽止？然猶

防川，遽，畏懼也。大決所犯，傷人必多。吾不克救也。

不如小決使道，道，通也。音導。注同。不如吾聞而藥

之也。藥，石。以為已。然明曰：蔑也。今而後知吾子之

信可事也。小人實不才，若果行此，其鄭國實

賴之。豈唯二三臣。仲尼聞是語也。曰：以是觀

之人，謂子產不仁。吾不信也。仲尼以二十二

長而後聞之。長丁丈反。子皮欲使尹何為邑。為邑大夫。子產

曰：少，未知可否。尹何年少。詩照反。注同。子皮曰：愿，吾

愛之，不吾叛也。愿，謹善也。愿音願。使夫往而學焉。夫

亦愈知治矣。夫，謂尹何。子產曰：不可。人之愛人，求

利之也。今吾子愛人，則以政。以政與之。猶未能操

刃而使割也。其傷實多。多，自傷。操七刀反。子之愛人，

傷之而已。其誰敢求愛於子。子於鄭國，棟也。

棟折榱崩，僑將厭焉。敢不盡言。子有美錦，不

使人學製焉。製，裁也。榱，所追反。椽也。厭，於甲反。徐於輒反。下同。製音

制。大官大邑，身之所庇也。而使學者製焉，其

為美錦，不亦多乎。言官邑之重。多於美錦。庇必利反。又音必。僑

聞學而後入政，未聞以政學者也。若果行此，

必有所害。譬如田獵，射御貫，則能獲禽。貫，習也。

賈古患反。注同。若未嘗登車射御，則敗績厭覆，是懼

服反。何暇思獲。子皮曰：善哉。虎不敏，吾聞

君子務知大者遠者，小人務知小者近者。我

小人也。衣服附在吾身。我知而慎之。大官大
 邑。所以庇身也。我遠而慢之。慢。易也。易以鼓反。微子
 之言。吾不知也。他日我曰。子為鄭國。我為吾
 家。以庇焉。其可也。今而後知不足。自知謀慮不足。謀其
 家。自今請雖吾家。聽子而行。子產曰。人心之
 不同。如其面焉。吾豈敢謂子面如吾面乎。抑
 心所謂危。亦以告也。子皮以為忠。故委政焉。
 子產是以能為鄭國。傳言子產之治。乃子皮之力。衛侯在
 楚。北宮文子見令尹圍之威儀。言於衛侯曰。

令尹似君矣。將有他志。

言語瞻視。行步不常。

雖獲其志。

不能終也。詩云。靡不有初。鮮克有終。

鮮。息。淺反。

終之實難。令尹其將不免。公曰。子何以知之。

對曰。詩云。敬慎威儀。惟民之則。令尹無威儀。

民無則焉。民所不則。以在民上。不可以終。公

曰。善哉。何謂威儀。對曰。有威而可畏。謂之威。

有儀而可象。謂之儀。君有君之威儀。其臣畏

而愛之。則而象之。故能有其國家。令聞長世。

音問。

臣有臣之威儀。其下畏而愛之。故能守

其官職保族宜家順是以下皆如是是以上
下能相固也。衛詩曰：威儀棣棣，不可選也。

風。棣棣，富而閑也。選，數也。此却風刺。衛頃公，故曰衛詩。棣棣，直計反。數，所主。

反。下言君臣上下，父子兄弟，內外大小，皆有

威儀也。周詩曰：朋友攸攝，攝以威儀。

攝，佐也。言朋友之道，必相教訓，以威儀也。周書

數文王之德，逸書曰：大國畏其力，小國懷其德。

言畏而愛之也。詩云：不識不知，順帝之則。言

則而象之也。大雅。又言文王行事無所。樹酌，唯在則象上天。紂囚文

王七年，諸侯皆從之囚，紂於是乎懼而歸之。

可謂愛之。文王伐崇，再駕而降為臣。

文王聞崇德亂而代之。三句不降，退修教而復伐之。因壘而降。降，戶江反。蠻夷帥服，可

謂畏之。文王之功，天下誦而歌舞之，可謂則

之。文王之行，至今為法，可謂象之。有威儀也。

故君子在位可畏，施舍可愛，進退可度，周旋

可則，容止可觀，作事可法，德行可象，聲氣可

樂，動作有文，言語有章，以臨其下，謂之有威

儀也。行，下孟反。下同。樂，音洛。又音岳。

春秋經傳集解襄公第十九

春秋經傳集解昭公元年第二十。陸昭公名
齊歸。在位二十五年。遜于齊。在外八年。凡三十三年。薨于乾侯。謚法。威儀恭明曰昭。
 杜氏 盡三年

經元年春王正月公即位。無傳叔孫豹會晉趙

武。楚公子圍。齊國弱。宋向戌。衛齊惡。陳公子

招。蔡公孫歸生。鄭罕虎。許人。曹人于虢。招實

母弟。不稱弟者。義與莊二十五年公子友同。今讀舊書。則楚當先。晉而先書趙武者。亦取宋盟貴武之信。故尚之也。衛在陳蔡上。先至於會。招常遙反。虢瓜百反。當先。悉薦

反三月取鄆。不稱將帥。將卑師少。書取言易也。鄆音運。將子匠反。帥

所類反。夏秦伯之弟鍼出奔晉。稱弟罪秦伯。鍼其

廉反。六月丁巳，邾子華卒。無傳。三同盟。晉荀吳帥師

敗狄于大鹵。大鹵，大原。晉陽縣。大鹵，大如字。徐音泰。鹵音魯。穀梁傳云：中

國曰大原。夷狄曰大鹵。秋，莒去疾自齊入于莒。國逆而

入。去莒。莒展輿出奔吳。弒君賊來會諸侯。故不稱爵。叔弓

帥師疆鄆田。春取鄆。今正其封疆。疆，居良反。注同。葬邾悼公

無冬十有一月己酉，楚子麋卒。楚以瘡病赴。故不書。弒。

麋九倫反。楚公子比出奔晉。書名。罪之。

傳元年春，楚公子圍聘于鄭，且娶於公孫段。

氏伍舉為介。伍舉，椒舉。介，副也。將入館舍，鄭人惡

之。知楚懷詐。惡，烏路反。使行人子羽與之，言乃館於

外舍城。舍，城外。既聘，將以衆逆。以兵入。逆，婦。子產患之，使

子羽辭曰：「敝邑褊小，不足以容從者，請墮聽

命。欲於城外除地為墮。行昏禮。從才用反。墮音善。令尹

命大宰伯州犁對曰：「君辱貺寡大夫圍，謂圍

將使豐氏撫有而室。豐氏，公孫段。圍布几筵，告於

莊共之廟而來。莊王，圍之祖。共王，共音恭。若野賜之，

是委君貺於草莽也。是寡大夫不得列於諸

卿也。言不得從卿禮。不寧唯是。又使圍蒙其

先君。蒙欺也。告先君而來不得成禮。將不得

為寡君老。大臣稱老懼。其蔑以復矣。唯大夫

圖之。子羽曰：小國無罪，恃實其罪。恃大國而無備，則是

罪。將恃大國之安靖已，而無乃包藏禍心以

圖之。小國失恃而懲諸侯，使莫不憾者，距違

君命而有所壅塞不行，是懼。言已失所恃，則諸侯懲恨以距

君命。壅塞不行，是懼。言已失所恃，則諸侯懲恨以距

其敢愛豐氏之祧。祧，遠祖廟。他彫反。伍舉知其有

備也，請垂橐而入。垂，囊。示無弓。橐，古刀反。許之。正月乙

未入，逆而出，遂會於虢。虢，鄭地。尋宋之盟也。宋

在襄二初，午謂趙文子曰：宋之盟，楚人得志

於晉。得志，謂先軟。午，初。今令尹之不信，諸侯

之所聞也。子弗戒，懼又如宋。恐楚復。子木之

信，稱於諸侯，猶詐晉而駕焉。駕，猶陵也。詐，謂

又音加。注及下。况不信之尤者乎？尤，甚。楚重

得志於晉，晉之恥也。子相晉國，以為盟主，於

今七年矣。襄二十五年始為政，以春言，故云七年。重直用反。相息亮反。

昭元年

再合諸侯

襄二十五年會夷儀。二十六年會澶淵。

三合大夫

襄

二十七年會于宋。三十一年會澶淵。及今會號也。

服齊狄寧東夏

襄二十八年

年齊侯白狄朝晉。

平秦亂

襄二十六年秦晉為成。

城淳于

襄二十九年

年城杞之淳于。杞遷都。淳音純。

師徒不頓。國家不罷。民無

謗。讀音獨。

誹也。罷音皮。誹音獨。誹音皮。誹音皮。誹音皮。

諸侯無怨。天無大

災。子之力也。有令名矣。而終之以耻。午也是

懼。吾子其不可以不戒。文子曰。武受賜矣。午受

言然。宋之盟。子木有禍人之心。武有仁人之

心。是楚所以駕於晉也。今武猶是心也。楚又

行僭

僭不信。子念反。下同。

非所害也。武將信以為本。

循而行之。譬如農夫。是穰是藁。

穰。耘也。藁。穉苗。為藁。穰彼。

驕反。藁。古本反。耘音云。除草也。

雖有饑饉。必有豐年。

言耕。鉏不。

以水旱息。必獲豐年之收。其靳反。收手又反。又如字。

且吾聞之。能

信不為人下。吾未能也。

自恐未。能信也。

詩曰。不僭不

賊。鮮不為則。信也。

詩大雅。僭。不信。賊。害。鮮。息。淺反。

能為

人則者。不為人下矣。吾不能是難。楚不為患。

楚令尹圍請用牲。讀舊書加于牲上而已。

舊書。

宋之盟書。楚恐晉先歃。故欲從舊書。加于牲上。不歃血。經所以不書盟。難。乃旦反。下注。

並同晉人許之。三月甲辰盟。楚公子圍設服離

衛設君服。二人執戈陳於前以自衛。離陳也。叔孫穆子曰：「楚公子

美矣。君哉。」美服似君。鄭子皮曰：「二執戈者前矣。」禮國

君行有二執戈者在前。蔡子家曰：「蒲宮有前，不亦可乎？」

公子圍在會，特緝蒲為王殿屋，屏蔽以自殊異。言既造王宮而居之，雖服君服，無所怪也。

○緝七。楚伯州犁曰：「此行也，辭而假之寡君。」

入反。聞諸大夫譏之，故言假以飾之。令尹過。鄭行人揮曰：「假不反矣。」言將

遂為伯州犁曰：「子姑憂子皙之欲背誕也。」襄君

十年。鄭子皙殺伯有，背命放誕，將為國難。言子且自憂此，無為憂於令尹不反戈。背音佩。

注同。誕音但。子羽曰：「當璧猶在，假而不反，子其無

憂乎？」子羽，行人揮。當璧，謂棄疾。事在昭十三年。言棄疾有當璧之命，圍雖取國，猶將

有難，不無憂也。齊國子曰：「吾代二子愍矣。」國子，國弱也。二子，謂

王子圍及伯州犁。圍此冬便篡位，不能自終。州犁亦尋為圍所殺，故言可愍。篡，初患反

陳公子招曰：「不憂何成？二子樂矣。」言以憂生

樂。樂音洛。注及下樂憂而樂同。衛齊子曰：「苟或知之，雖憂

何害？」齊子，齊惡。言先知為備。雖有憂難，無所損害。宋合左師曰：「大

國令小國共，我知共而已。」共，承大國命，不能

恭下。晉樂王鮒曰：「小旻之卒章善矣，吾從之。」知其禍福。共音

昭元年

左傳卷二十一

五

小旻。詩小雅。其卒章義取非唯暴虎馮河之可畏也。不敬小人亦危殆。王鮒從斯義。故不敢譏議公子圍。鮒音附。退會。子羽謂子皮。馮皮水反。

曰叔孫絞而婉。絞切也。譏其似君。反謂之美。故曰婉。絞古卯反。婉紆。

阮反。宋左師簡而禮。無所藏否。故曰簡。其事注同。故曰禮。否悲矣。

反。舊方。樂王鮒字而敬。字愛也。不犯凶。子與九反。子家持之。子皮。子家。蔡公孫歸。皆保世之。

生持之。言無所取與。皆保世之。

主也。齊衛陳大夫。其不免乎。國子代人憂子。

招樂憂齊子。雖憂弗害。夫弗及而憂與可憂。

而樂與憂而弗害。皆取憂之道也。憂必及之。

大誓曰。民之所欲。天必從之。逸書。三大夫兆憂。

憂能無素。兆也。言以知物。其是之謂矣。物類。

言以知禍福之類。八年陳招殺天子。季武子。

伐莒取鄆。兵未加莒而鄆服。莒人告於會。楚。

告於晉曰。尋盟未退。尋弭兵。而魯伐莒。瀆齊。

盟。瀆慢。請戮其使。時叔孫豹在會。欲戮之。使所吏反。下注其使出使。

下召使。樂桓子相趙文子。桓子。樂王鮒相。佐者同。相息亮反。注。

同。欲求貨於叔孫而為之。請使請帶焉。難指。

故以帶為辭。而為于。弗與梁其蹙曰。貨以偽反。下注為諸侯同。

二二耳字六三下

六

昭元年

左傳卷二十

藩身子何愛焉

定反。經叔孫家臣。潘方元反。

叔孫曰

諸侯之會衛社稷也。我以貨免魯必受師

言不

戮其使。必伐其國。

是禍之也。何衛之為人之有牆以

蔽惡也

喻已為國衛。如牆為人蔽。

牆之隙壞誰之咎也

咎在

牆。去逆反。

衛而惡之。吾又甚焉

罪甚

雖怨季孫

魯國何罪

怨季孫之伐苦

叔出季處有自來矣。吾又

誰怨

季孫守國。叔孫出使。所從來久。今遇此戮。無所怨也。

然鮒也。賄弗

與不已。召使者裂裳帛而與之曰。帶其褊矣

言帶褊盡。故裂裳示不相逆。賄呼罪矣。

趙孟聞之曰。臨患不忘

國忠也

謂言魯國何罪

思難不越官信也

謂言叔出季處。難

乃旦反。下同。

圖國忘死貞也

謂不以化負免

謀主三者義

也

三者。忠信。貞。

有是四者。又可戮乎

并義而四

乃請諸

楚曰。魯雖有罪。其執事不辟難

執事謂叔孫

畏威

而敬命矣

謂不敢辟戮

子若免之。以勸左右。可也

若子之羣吏。處不辟汚

汚。勞事。注及下同。

出不

逃難

不苟免

其何患之有。患之所生。汚而不治

難而不守。所由來也。能是二者。又何患焉。不

靖其能。其誰從之

安靖賢能。則衆附從。

魯叔孫豹可謂

左傳卷二十

昭元年

能矣。請免之。以靖能者。子會而赦有罪。不伐魯

又賞其賢。赦叔孫諸侯其誰不欣焉。望楚而歸

之。視遠如邇。疆場之邑。一彼一此。何常之有。

言今衰世。疆場無定主。疆居良反。注及下至。莒之疆事同。場音亦。注同。王伯

之令也。言三王五伯有令德時。引其封疆。引正也。正封界。而樹

之官。樹立也。立官以守國。舉之表旗。表貴賤。以表貴賤。而著之制

令。為諸侯作制度法。令使不得相侵犯。過則有刑。猶不可壹於

是乎。虞有三苗。三苗。饕餮。放三危者。饕餮吐刀反。饕餮吐結反。夏有

觀扈。觀國。今頓丘衛縣。扈在始平鄠縣。書序曰。啓與有扈戰于甘之野。觀音官。

扈音商有妣邳。二國。商諸侯。邳。今下邳縣。妣西典反。又西禮反。邳皮

反。周有徐奄。二國。比皆嬴姓。書序曰。成王伐淮夷。遂踐奄。徐即淮夷。嬴音盈。

自無令王。諸侯逐進。逐。猶競也。狎主齊盟。其又可

壹乎。疆弱無常。故更主盟。狎音庚。恤大舍小。足以

為盟主。大謂篡弒。滅亡之禍。又焉用之。焉。用治小事。焉於虔反。注同。

封疆之削。何國蔑有。主齊盟者。誰能辯焉。辯治

也。吳濮有豐。楚之執事。豈其顧盟。吳在東。濮在南。今建

寧郡南有濮夷。豐。過也。濮音卜。豐許靳反。莒之疆事。楚勿與知。

諸侯無煩。不亦可乎。莒魯爭鄆。為日久矣。苟

無大害於其社稷。可無亢也。亢，禦也。與音預。元，苦浪反。徐

音剛去煩宥善。莫不競勸。子其圖之。固請諸楚。

楚人許之。乃免叔孫。令尹享趙孟。賦大明之

首章。大明，詩大雅首章。言文王明明照於下。故能赫赫盛於上。令尹意在首章。故特

稱首章以自光。趙孟賦小宛之二章。小宛，詩大雅二

章。取其各敬爾儀。天命不又。言天命一事畢。去不可復還。以戒令尹。宛，紆阮反。

趙孟謂叔向曰。令尹自以為王矣。何如。問將能成

否對曰。王弱。令尹疆。其可哉。言可成雖可不終。

趙孟曰。何故。對曰。疆以克弱而安之。疆不義

也。安於勝君。是疆而不義。不義而疆。其斃必速。詩曰。赫

赫宗周。褒姒滅之。疆不義也。詩小雅。褒姒。周

焉而行不義。遂至滅亡。言雖赫赫盛疆。不義足以滅之。令尹為王。必求

諸侯。晉少懦矣。懦，弱也。乃亂反。諸侯將往。若獲諸

侯。其虐滋甚也。滋，益也。民弗堪也。將何以終。夫以

疆取。取不義而克。必以為道。為道。道以

淫虐。弗可久已矣。為十三年。楚夏四月。趙孟

叔孫豹。曹大夫入于鄭。會罷過鄭。鄭伯兼

享之。子皮戒趙孟。戒享。禮終。趙孟賦瓠葉。所

昭元年

左傳卷三十一

九

戒禮畢而賦詩。瓠葉詩小雅。義取古人不以微薄廢禮。雖瓠葉兔首猶與賓客享之。瓠

戶故反。又普庚反。子皮遂戒穆叔。且告之。以

許丈反。又普庚反。子皮遂戒穆叔。且告之。以

趙孟賦。穆叔曰。趙欲一獻。瓠葉詩。義取薄物

獻。子其從之。子皮曰。敢乎。言不。穆叔曰。夫人

之所欲也。又何不敢。夫音扶。注同。及享。具五

獻之。籩豆於幕下。朝聘之制。大國之卿五獻。趙孟辭。自以

今非聘。鄭私於子產。語私曰。武請於冢宰矣。冢

故辭五獻。子皮請。謂乃用一獻。趙孟為客。禮終乃宴。會

賦。瓠葉。公卿享宴。皆折俎。不。穆叔賦。鵲巢。南言鵲有

巢而鳩居之。喻晉君有國。趙孟治之。趙孟曰。武不堪也。又賦采

繁。亦詩召南。義取繁菜薄物。可以薦。曰。小國

為繁。大國省穡而用之。其何實非命。穆叔言

薄猶繁菜。大國能省愛用之。而不棄。則何敢

不從命。穡愛也。省所景反。徐所幸反。注同

子皮賦。野有死麇之卒章。野有死麇。詩召南。

兮。無憾。我悅兮。無使厖也。吠。脫。安。徐。悅。佩

巾。義取君子徐以禮來。無使我失節。而使狗

驚。吠。喻趙孟以義撫諸侯。無以非禮相加陵

。麇。九倫反。脫。土外反。悅。始銳反。

。武。江反。趙孟賦。常棣。常棣。詩小雅。取其

上正專卷三十一

十

昭元年

可使無吠

受子皮之詩。志反。下注德比同。

穆叔子皮及

曹大夫興拜

三大夫皆兄弟國興起也。

舉兕爵曰小國賴

子知免於戾矣

兕爵所以罰不敬。言小國蒙趙孟德比以安。自知免此罰。

戾。兕徐履反。戾力計反。下同。

飲酒樂趙孟出曰吾不復

此矣

不復見此樂。樂音洛。注同。

天王使劉定公勞趙孟

於潁館於維汭

王。周景王。定公。劉。復。潁水出陽城縣。維汭在河南鞏縣南。

水曲流為汭。潁營并反。勞力報反。下同。劉子曰美哉禹功。見河維而明德遠矣。微禹吾其魚乎。吾與子弁冕端委以治民。臨諸侯。禹之力也。

禹功而大庇民乎

勸趙孟使篡禹功。蓋戶臘反。何不也。績或作績。

子盍亦遠績

對曰老夫罪戾是懼焉能恤遠吾

儕偷食朝不謀夕何其長也

言欲苟免目前不能念長久。

謂老將知而耄及之者

八十曰耄。耄亂也。語魚據反。知音智。

其趙孟之謂乎為晉正卿以主諸侯

而儕於隸人朝不謀夕

言其自比於賤人棄神怒民叛何以能久。

神人矣

民為神主。不恤民故神主皆去。

神怒民叛何以能久

報反。耄莫。其趙孟之謂乎為晉正卿以主諸侯

而儕於隸人朝不謀夕

言其自比於賤人棄神怒民叛何以能久。

神人矣

民為神主。不恤民故神主皆去。

神怒民叛何以能久

民為神主。不恤民故神主皆去。神怒民叛何以能久

民為神主。不恤民故神主皆去。神怒民叛何以能久

民為神主。不恤民故神主皆去。神怒民叛何以能久

民為神主。不恤民故神主皆去。神怒民叛何以能久

趙孟不復年矣言將死不復見明年神怒不歆其祀民

叛不即其事祀事不從又何以年為此冬趙孟卒起本

叔孫歸號會曾天御季孫以勞之曰及日中

不出恨季孫伐莒使已幾被戮曾天謂曾阜

曾阜叔孫家臣曰日及日中吾知罪矣魯以

相忍為國也不忍其外不忍其內焉用之欲受楚戮

是忍其外日中不出是忍其內阜曰數月於外言叔孫勞

月數所曰於是庸何傷賈而欲贏而惡

蹶乎言譬如商賈求贏利者不得惡誼蹶之聲賈音古注同贏音盈注同惡

烏路反注及下同蹶許驕反徐阜謂叔孫

曰可以出矣叔孫指楹曰雖惡是其可去乎

乃出見之楹柱也以諭魯有鄭徐吾犯之妹

美犯鄭大夫公孫楚聘之矣楚子南穆公孫公孫黑又使

強委禽焉禽鴈也納採用犯懼告子產子產

曰是國無政非子之患也唯所欲與犯請於

二子請使女擇焉皆許之子皙盛飾入布幣

而出布陳贄幣子皙公孫黑贄音至子南戎服入左右射

超乘而出女自房觀之曰子皙信美矣抑子

昭元年

左傳卷二十

南夫也。言丈夫。乘繩證反。夫夫婦婦所謂順也。適子

南氏。子皙怒。既而橐甲以見于南。欲殺之。而

取其妻。子南知之。執戈逐之。及衝擊之以戈。

衝。交不道。子皙傷而歸。告大夫曰。我好見之。不知

其有異志也。故傷大夫。皆謀之。子產曰。直鈞

幼賤有罪。罪在楚也。先聘。子南直也。子南用

能討。故鈞其事歸罪於楚。好如字。一呼報反。直鈞音均。絕句。乃執子南

而數之曰。國之大節有五。女皆奸之。奸犯也。女音

汝。下皆音同。奸音干。畏君之威。聽其政。尊其貴。事其長。

養其親。長丁丈反。下同。養如字。下同。五者所以為國也。

今君在國。女用兵焉。不畏威也。奸國之紀。不

聽政也。奸國之紀。謂傷人。子皙上大夫。女嬖大夫。而

弗下之。不尊貴也。幼而不忌。不事長也。忌畏也。

嬖必計反。下戶嫁反。兵其從兄。從如字。又才用反。不養親也。

君曰。余不女。忍殺宥女。以遠勉速行乎。無重

而罪。重直用反。又直勇反。五月庚辰。鄭放游楚於吳。

將行。子南子產咨於大叔。大叔游楚之兄子。大叔曰。

吉不能亢身。焉能亢宗。亢蔽也。亢苦浪反。彼國政也。

非私難也。難乃旦反。子圖鄭國利則行之又何

疑焉。周公殺管叔而蔡蔡叔。蔡叔放也。而蔡叔上蔡字。素

葛反。說文作蔡音同。云撻蔡。夫豈不愛王室

故也。吉若獲戾。子將行之。何有於諸游。為二年鄭

殺公孫黑傳。秦后子有寵於桓如二君於景

弟鍼也。其權寵如兩君。其母曰弗去懼選。選數

也。恐景公數其罪而加戮。選息轉反。徐素

同。癸卯鍼適晉。其車千乘。書曰秦伯之弟鍼

出奔晉。罪秦伯也。罪失教。乘繩。后子享晉

侯。為晉侯設享禮。造舟于河。造舟為梁。通秦

報反。注同。李巡注爾雅云。比十里舍車。八乘

為八反。自雍及絳。雍絳相去千里。用車歸取

酬幣。備九獻之儀。始禮自齋。其一。故續送終

事八反。每十里以八乘車。各以次載幣相授

百乘。其二。百乘以自隨。故言千乘。傳言秦

馬侯問焉曰。子之車盡於此而已乎。對曰。此

之謂多矣。若能少此。吾何以得見。言已坐車

見賢。女叔齊以告公。叔齊司馬侯。且曰秦

公子必歸臣聞君子能知其過必有令圖令

圖天所贊也后子見趙孟趙孟曰吾子其曷

歸問何時當歸對曰鍼懼選於寡君是以在此將

待嗣君趙孟曰秦君何如對曰無道趙孟曰

亡乎對曰何為一世無道國未艾也艾絕也

廢反國於天地有與立焉言欲輔助之者多不數世

淫弗能斃也趙孟曰天平對曰有焉趙孟曰

其幾何對曰鍼聞之國無道而年穀和熟天

贊之也贊佐助也居豈反下同鮮不五稔鮮少也少尚當歷五

年多則不啻鮮息淺反稔而甚反趙孟視蔭曰朝夕

不相及誰能待五蔭日景也趙孟意衰以日景自喻故言朝夕不相及

誰能待五蔭於金反后子出而告人曰趙

孟將死矣主民翫歲而愒曰翫愒皆貪也

其與幾何言不能久與鄭為游楚亂

故游楚子南六月丁巳鄭伯及其大夫盟

于公孫段氏罕虎公孫僑公孫段印段游吉

駟帶私盟于閨門之外實薰隧閨門鄭城門外道

名實之者為明年子產數子哲罪稱薰隧盟起本

閨音圭薰許云反隧音遂數

色主色具二反公孫黑疆與於盟使大史書其名且

曰七子自欲同於六卿故曰七子子產弗討

子哲疆討之恐亂國晉中行穆子敗無終及羣狄于大

原即大鹵也無終崇聚也卒子忽

將戰魏舒曰彼徒我車所遇又阨地險不便

又作隘於懈反以什共車必克更增十人以當一困

諸阨又克車每困於阨道今請皆卒去車為

自我始乃毀車以為行魏舒先自毀其屬車

陳直觀反下五乘為三伍乘車者車三人

改去車更以五人為伍分為三荀吳之嬖人

不肯即卒斬以徇魏舒輒斬之荀吳不恨所

為五陳以相離兩於前伍於後專為右角參

為左角偏為前拒皆臨時處置之以誘之程

人笑之笑其失常未陳而薄之大敗之傳言荀吳

莒展輿立而奪羣公子秩公子召去疾于齊

秋齊公子鉏納去疾齊雖納去疾莒人先召

疾奔齊在襄展輿奔吳吳外叔弓帥師疆鄆

田因莒亂也此春取鄆今正其疆於是莒務

婁。瞽胡。及公子滅明。以大麗與常儀靡奔齊。

三子展與黨。大麗。常儀靡。皆二邑。務婁。並如字。務。又音謀。一音無。瞽。徐音茂。一音

謀。武江反。君子曰。莒展之不立。棄人也夫。奪羣公子

秩。是棄人。夫。音扶。人可棄乎。詩曰。無競維人。善矣。周詩

頌。言惟得久。晉侯有疾。鄭伯使公孫僑如晉。

聘且問疾。叔向問焉。曰。寡君之疾病。卜人曰。

實沈。臺駘。為祟。史莫之知。敢問此何神也。子

產曰。昔高辛氏有二子。伯曰閼伯。季曰實沈。

高辛。帝嚳。遂反。閼。於葛反。嚳。苦毒反。居于曠林不

相能也。曠。林地闕。能。如字。又奴代反。日尋于戈。以相征討。

尋。用也。后帝不減。后。帝堯也。減。善也。遷閼伯于商丘。主

辰。商丘。宋地。主祀辰星。辰。大火也。商人。是因。故辰為商星。

湯先相土。封商丘。因閼伯。故國祀辰星。相。息亮反。遷實沈于大夏。主

參。大夏。今晉陽縣。參。所林反。注反下同。唐人是因。以服事夏

商。唐人若劉累之等。累。遷魯縣。此在大夏。其季世曰唐叔虞。

之季世。其君曰叔虞。當武王邑姜。方震大叔。邑姜。武王

之女。懷胎為震。大叔。成王之弟叔虞。震。本又作娠。之。慎反。又音申。大。音泰。注及下同。

來反。胎他。夢帝謂已。余命而子曰虞。帝。天。取唐君之名。

昭元年

左傳卷二十一

將與之唐屬諸參而蕃育其子孫及生有文

在其手曰虞遂以命之及成王滅唐而封大

叔焉故參為晉星叔虞封唐是為晉侯屬之玉反蕃音煩叔虞封

唐是為晉侯案史記叔虞封唐侯叔虞之子燹父改為晉侯由是觀之則

實沈參神也昔金天氏有裔子曰昧為玄冥

師生允格臺駘金天氏帝少皞裔遠也玄冥水官昧為水官之長裔以

制反少詩照反皞戶老反長丁丈反下殖長同臺駘能業其官昧纂

之業子管反宣汾洮宣猶通也汾洮二水名洮扶云反洮地刀反

障大澤障之尚反又障彼皮反以處大原大原

晉陽也臺駘之所居帝用嘉之封諸汾川帝顓頊顓

玉反沈妣蓐黃實守其祀四國臺駘之後沈音審妣音似今

晉主汾而滅之矣滅四國由是觀之則臺駘汾

神也抑此二者不及君身山川之神則水旱

癘疫之災於是乎崇之有水旱之災則崇祭山川之神若臺駘者

周禮四曰祭祭為營攢用幣以祈福祥癘音例疫音役祭音詠徐音營攢子管

反日月星辰之神則雪霜風雨之不時於是

乎崇之星辰之神若實沈者若君身則以出入飲食哀

樂之事也山川星辰之神又何為焉言實沈臺駘不

以集

上專卷三十一

為君疾。樂音洛。僑聞之。君子有四時朝以聽政。國聽

政。如字。朝。晝以訪問。問可。否。夕以修令。念所。施。夜以

安身。於是乎節宣其氣。宣散也。勿使有所壅閉

湫底。以露其體。秋。集也。底。滯也。露。羸也。壹之。則血氣集滯而體羸露。秋

子小反。徐音秋。又在酒反。服云。著也。底。丁禮反。服云。止也。羸。劣危反。下同。茲心

不爽而昏亂百度。茲此也。爽明也。今無乃壹。度。此也。百事之節。

之時。同四。則生疾矣。僑又聞之。內官不及同姓

內官。嬪御。嬪。婢人反。其生不殖。殖。長也。美先盡矣。則相

生疾。同。姓之相與。先美矣。美極則盡。盡則生疾。君子是以惡之。故

志曰。買妾不知其姓。則卜之。違此二者。古之

所慎也。壹。四時取同姓。二者古人所慎。惡。如字。又烏路反。取。七住反。男

女辨姓。禮之大司也。辨。別也。別。彼別反。今君內實有

四姬焉。同。姓。姬。四人。其無乃是也乎。若由是二者。

弗可為也已。為。治也。四姬有省。猶可無。則必生

疾矣。據。異姓去同姓。故言省。所景反。徐所幸反。注同。省。叔向曰。善哉。

盱未之聞也。此皆然矣。叔向出。行人揮送之。

送。叔向。叔向問鄭故焉。且問子皙對曰。其與幾

何。言將敗不久。又音預。幾。居豈反。與。如字。無禮而好陵人。怙

左傳卷二十一

富而卑其上弗能久矣

為明年鄭殺公孫黑傳。好呼皓反。怙音

戶 晉侯聞子產之言曰博物君子也重賄之

晉侯求醫於秦秦伯使醫和視之曰疾不可

為也是謂近女室疾如蠱 蠱惑疾之近。蠱音古。

非鬼非食惑以喪志 惑女色而失志。喪息浪反。 良臣將

死天命不祐 良臣不匡救君過故將死。祐音又。 公曰

女不可近乎對曰節之先王之樂所以節百

事也故有五節 五聲之節。 遲速本末以相及中聲

以降五降之後不容彈矣 此謂先王之樂得中聲聲成五降而

息也。降罷退。或戶江反。彈徒丹反。又徒旦反。 於是有煩

手淫聲惱堙心耳乃忘平和君子弗聽也 五降

而不息則雜聲並奏所謂鄭衛之聲。滔吐刀反。下同。堙音因。 物亦如之

言百事皆如樂不可失節。 至於煩乃舍也已無以生疾 煩

舍則生疾。舍音捨注同。 君子之近琴瑟以儀節也非以

惱心也 為心之節儀。使動不過度。 天有六氣 謂陰陽風

生五味 謂金味辛木味酸水味鹹火味發為

五色 辛色白酸色青鹹色黑苦色赤。徵為五

聲 白聲商青聲角黑聲羽赤聲徵。張里反。 淫生六疾

淫過也。滋味聲色所。六氣曰陰陽風雨晦明

也。分爲四時。序爲五節。六氣之化。分而序之。則成四時。得五行之

節。過則爲蓄。陰淫寒疾。寒過則爲冷。蓄音災。下同。陽淫

熱疾。熱過則喘渴。喘昌充反。風淫末疾。末。四支也。風爲緩急。雨淫

腹疾。雨濕之氣爲洩。洩息列反。晦淫惑疾。晦。夜也。爲晏。寢過節則心

惑。明淫心疾。明。晝也。思慮煩多。心勞生疾。思息利反。女陽物而

晦時。淫則生內熱惑蠱之疾。女常隨男。故言陽物。家道常在

夜。故言。今君不節不時。能無及此乎。出告趙

孟。趙孟曰。誰當良臣。對曰。主是謂矣。主相晉

國。於今八年。晉國無亂。諸侯無闕。可謂良矣。

和聞之。國之大臣。榮其寵祿。任其大節。有蓄

禍興而無改焉。改。改行以救蓄。蓄音亮反。行下孟反。必受其

咎。今君至於淫。以生疾。將不能圖恤社稷禍

孰大焉。主不能禦。吾是以云也。云。主將死。趙孟曰。

何謂蠱。對曰。淫溺惑亂之所生也。溺。沈沒。於者欲。於

文皿蟲爲蠱。文。字也。皿。器也。器受蟲。害者爲。蠱。命景反。說文讀若猛字。

音猛。穀之飛亦爲蠱。穀久積則變。爲。飛蟲。名曰蠱。在周易。

女惑男。風落山。謂之蠱。䷑。巽下艮上。蠱。巽

爲長女。爲風。艮

昭元年

左傳卷二十

廿一

為少男。為山。少男而說長女。非匹。故惑。山木得風而落。長丁丈反。下同。少詩照反。下同。音悅。皆同物也。物猶類也。趙孟曰。良醫也。厚其

禮而歸之。贈賄之禮。楚公子圍使公子黑肱伯州

犁。城犍。樂郊。黑肱。王子圍之弟。子皙也。犍。縣屬南陽。郊。縣屬襄城。樂。今河南

楊。翟。縣。三邑。本鄭地。犍。天州反。鄭人懼子樂音歷。徐失灼反。郊古洽反。而先除二子

產曰。不害。令尹將行大事。謂將而先除二子

也。二子謂黑肱伯州犁。禍不及鄭。何患焉。冬。楚公子圍

將聘于鄭。伍舉為介。未出竟。聞王有疾而還。

伍舉遂聘。十一月己酉。公子圍至。入問王疾。

縊而弑之。縊。絞也。孫卿曰。以冠纓絞之。長歷推己酉十二月六日。經傳皆言十

一月。月誤也。竟音境。遂殺其二子。幕及

平夏。皆郊。敖子。右尹子干出奔晉。子干。王宮廐尹

子皙出奔鄭。因築城而去。廐居又反。殺大宰伯州犁于

郊。葬王于郊。謂之郊敖。郊敖。楚使赴于鄭。伍

舉問。應為後之辭焉。問赴者。對曰。寡大夫圍。伍

舉更之曰。共王之子圍為長。伍舉更赴辭。使從禮。此告終。稱

嗣。不以篡弑赴諸侯。共音恭。長丁丈反。子干奔晉。從車五乘。

叔向使與秦公子同食。食。祿同。從才用反。乘繩證反。下同。

工車卷二十一

皆百人之餼。百人。一卒也。其祿足百人。餼許氣反。卒子忽反。趙文

子曰秦公子富。謂秦鍼富強。秩祿不宜與子干同。叔向曰底

祿以德。底致也。底音旨。德鈞以年年同以尊公子

以國不聞以富且夫以千乘去其國彊禦已

甚詩曰不侮鰥寡不畏彊禦。詩大雅。侮。陵也。夫音扶。鰥

古顏反。秦楚匹也。使后子與子干齒。以年齒為高下而坐

辭曰鍼懼選楚公子不獲是以皆來亦唯命

乃不可乎。后子先來仕欲自同於晉臣為主。人子干後來奔以為羈旅之客。且臣與羈齒無

不獲不得自安言俱奔事有優劣唯主人命所處謙辭

史佚有言曰非羈何忌。忌敬也。欲謙以自別。別彼別反。楚

靈王即位遠罷為令尹遠啓彊為太宰。靈王公子

圍也。即位易名熊虔。罷音皮。彊其良反。又居良反。鄭游吉如楚葬

郊敖且聘立君歸謂子產曰具行器矣。行器會備

楚王汰侈而自說其事必合諸侯吾往無日

矣子產曰不數年未能也。為四年會申傳。汰音泰。說徐音

悅。一始說反。數所主反。十二月晉既烝。烝冬祭也。趙孟適南

陽將會孟子餘。孟子餘趙衰趙武之曾祖其廟在晉之南陽温縣往會祭之

危反。甲辰朔烝于温。趙氏烝祭甲辰十二月朔。晉既烝趙孟乃

昭元年

左傳卷二十一

十一

烝其家廟。則晉烝當在甲辰之前。傳言十二月。月誤。庚戌卒。日終。劉定

公秦后。鄭伯如晉弔。及雍。乃復。甲趙氏。蓋趙子之言。弔。趙氏辭之而還。

傳言大夫疆諸侯畏而弔之。及雍於用反。

經二年春。晉侯使韓起來聘。夏。叔弓如晉。叔

老。秋。鄭殺其大夫公孫黑。書名惡之。薰隧

以為卿。故書之。冬。公如晉。至河。乃復。弔少姜

辭之。故還。少季孫宿如晉。致。祿服也。公實

書。音遂。

傳二年春。晉侯使韓宣子來聘。且告為

政而來見禮也。代趙武為政。雖盟主而修好。同盟故曰禮。見賢遍反。

報呼。觀書於大史氏。見易象與魯春秋。曰周

禮盡在魯矣。易象。上下經之象。辭。魯春秋史記之策書。春秋遵周公之典。以

序事。故曰周禮盡在魯矣。吾乃今知周公之德與周之所

以王也。易象春秋。文王周公之制。當此時儒道廢。諸國多闕。唯魯備。故宣子適魯

而說之。以王于况反。周公享之。季武子賦

絲之卒章。詩大雅。卒章義取文王有四臣。故能以絲絲致興盛。以晉侯比文

王。以韓子比四輔。四臣太顛。閔大。散宜。韓

子賦角弓。角弓。詩小雅。取其兄弟昏姻。無胥遠矣。言兄弟之國宜相親。季

此傳卷二十一

十一

武子拜曰敢拜子之彌縫敝邑寡君有望矣

彌縫猶補合也謂以兄弟之義武子賦節之

節詩小雅卒章取式訛爾心以畜萬邦卒章

如字訛五禾反既享宴于季氏有嘉樹焉宣子譽

之譽其好也武子曰宿敢不封殖此樹以

無忘角弓封厚也殖長也遂賦甘棠

伯息於甘棠之下詩人思之而愛其樹武子欲封殖嘉樹如甘棠以宣子比召公

宣子曰起不堪也無以及召公宣子遂

如齊納幣為平公聘少姜見子雅子雅

召子旗雅之子使見宣子宣子曰非保家之

主也不臣志氣亢見賢遍反下見子尾子

尾見彊彊子尾宣子謂之如子旗亦不大夫

多笑之唯晏子信之曰夫子君子也韓起君

子有信其有以知之矣為十年齊藥施自齊

聘於衛衛侯享之北宮文子賦淇澳淇澳詩

武公也言宣子有武公之德淇音其澳於六反宣子賦木瓜亦衛

風義取於欲報厚以為好夏四月韓須如齊

逆女須韓起之齊陳無宇送女致少姜少姜

五轉卷三十一 七

有寵於晉侯晉侯謂之少齊為立別號所以寵異之。少

詩照謂陳無宇非卿欲使齊以適夫人禮送少姜適丁歷反執

諸中都中都晉邑在西河界休縣東南少姜為之請曰送從

逆班也班列畏大國也猶有所易是以亂作韓

公族大夫陳無宇上大夫言齊畏晉改易禮制使上大夫送遂致此執辱之罪蓋少姜謙

以示叔弓聘于晉報宣子也此春韓宣子來聘晉侯

使郊勞聘禮賓至近郊君使卿勞力報反注同辭曰寡君使

弓來繼舊好固曰女無敢為賓徹命於執事

敝邑弘矣徹達也。女音汝下及注皆同敢辱郊使請辭郊辭

勞使所致館辭曰寡君命下臣來繼舊好

好合使成臣之祿也得通君命則於已為榮祿敢辱大館

敢不叔向曰子叔子知禮哉吾聞之曰忠

信禮之器也卑讓禮之宗也宗猶主也辭不忘國

忠信也謂稱舊好先國後已卑讓也始稱敝邑之弘先國也次

稱臣之祿後已也詩曰敬慎威儀以近有德夫子近

德矣詩大雅以近秋鄭公孫黑將作亂欲

去游氏而代其位游氏大叔之族黑為游楚所傷故欲害其族傷

疾作而不果前年游楚所擊創初良反駟氏與諸大夫

欲殺之駟氏黑子產在鄙聞之懼弗及乘遽

而至遠傳驛。遠其據反。爾雅云驛遠傳也。孫炎注云傳車驛馬。傳中戀反。驛

亦音使吏數之責數曰伯有之亂在襄三以大

國之事而未爾討也務共大國之命不暇治女罪也。共音恭下文

注皆爾有亂心無厭國不女堪專伐伯有而

罪一也昆弟爭室而罪二也謂爭徐吾犯之妹。厭於鹽反

薰隧之盟女矯君位而罪三也謂使大史書七子。矯居

表反有死罪三何以堪之不速死大刑將至再

拜稽首辭曰死在朝夕無助天為虐子產曰

人誰不死凶人不終命也作凶事為凶人不

助天其助凶人乎請以印為褚師印子哲之子。褚師市

官。褚張子產曰印也若才君將任之不才

將朝夕從女女罪之不恤而又何請焉不速

死司寇將至七月壬寅縊尸諸周氏之衢衢道

也加木焉書其罪於木晉少姜卒公如晉及

河晉侯使士文伯來辭曰非伉儷也晉侯溺於所幸

為少姜行夫人之服故諸侯弔不敢以私請煩諸侯故止之。伉苦浪反。儷力計反請

君無辱公還季孫宿遂致服焉致少姜之祔服公以末秋

十一

昭二年

左傳卷三十一

十一

行始冬還還乃叔向言陳無宇於晉侯曰彼

何罪彼無君使公族逆之齊使上大夫送之

猶曰不共君求以貪國則不共逆卑於送是

而執其使君刑已頗何以為盟主頗不平使所吏反

且少姜有辭謂請無辭冬十月陳無宇

歸晉侯十一月鄭印段如晉弔弔少姜

經三年春王正月丁未滕子原卒襄二十五年盟重丘

夏叔弓如滕五月葬滕成公卿共小

秋小邾子來朝禮過厚葬襄八公滕子來會故魯厚報之共音恭傳做此

八月大雩冬大雨雹無傳記災雨于北燕

伯款出奔齊不書大夫逐之而言

傳三年春王正月鄭游吉如晉送少姜之葬

梁丙與張趯見之二子晉大夫梁丙曰甚矣

哉子之為此來也卿共妾葬過禮子大叔曰

將得已乎言不昔文襄之霸也襄公其務

不煩諸侯令諸侯三歲而聘五歲而朝有事

而會不協而盟明王之制歲聘間朝在十二

君薨大夫弔卿共葬事夫人士弔大夫送葬

昭二年

十一

先王之制。諸侯之喪。士弔。大夫送。葬。在三十

年。蓋時俗過制。故文襄雖節之。猶過於古。足以昭禮。命事謀闕而已。朝聘以昭禮。盟會以謀闕。無加

命矣。命有常。今嬖寵之喪。不敢擇位。而數於守

適。不敢以其位卑。而令禮數如守。適夫人。然則時適。夫人之喪。弔送之禮。以過文襄之

制。數所具反。徐所主反。適丁歷反。注反下同。令力呈反。唯懼獲戾。豈

敢憚煩。少姜有寵而死。齊必繼室。繼室。復今

茲吾又將來賀。不唯此行也。張趯曰。善哉。吾

得聞此數也。然自今。子其無事矣。譬如火焉。

火。心星。火中寒。暑乃退。心以季夏昏中而暑。退。季冬旦中而寒退。此

其極也。能無退乎。晉將失諸侯。諸侯求煩。不

獲。言將不能復煩諸侯。二大夫退。子大叔告人曰。張趯

有知。其猶在君子之後乎。譏其無隱諱。丁未。

滕子原卒。同盟。故書名。同盟於襄之世。亦應從同盟之禮。故傳發

之。齊侯使晏嬰請繼室於晉。復以女繼少姜。曰。寡君

使嬰曰。寡人願事君。朝夕不倦。將奉質幣。以

無失時。則國家多難。是以不獲。不得自來。又

如字。難。不腆先君之適。謂少姜。他典反。以備內

官。焜燿寡人之望。則又無祿。早世隕命。寡人

失望君若不忘先君之好惠顧齊國辱收寡人。徼福於大公子公。

徼要也。二公齊先君言收恤寡人。則先君與之福也。焜胡本反。又音昆。燿羊照反。隕于敏反。好呼報反。徼古堯反。大音泰。

○要一照臨敝邑鎮撫其社稷則猶有先君

之適。適夫人及遺姑姊妹也。遺餘。若而人。

言如常人不取譽。譽音餘。君若不棄敝邑而辱使董振擇之。

以備嬪嬙寡人之望也。董正也。振整也。嬪嬙音真注同。嬙又作膺在良反。韓宣子使叔向對曰寡君之

願也寡君不能獨任其社稷之事未有仇儷

在縗經之中是以未敢請制。制夫人之服則葬君臣乃釋服。

任音壬。縗七雷反。經直結反。君有辱命惠莫大焉若惠

顧敝邑撫有晉國賜之內主豈唯寡君舉群

臣實受其貺其自唐叔以下實寵嘉之。唐叔晉之

祖既成昏。許昏成。晏子受禮。受賓享之禮。叔向從之

宴相與語叔向曰齊其何如。問與衰。晏子曰此

季世也吾弗知齊其為陳氏矣。不知其他唯知齊將為陳

氏。陸吾弗知絕句。公棄其民而歸於陳氏。棄民不恤。齊舊

四量豆區釜鍾四升為豆各自其四以登於

金

四豆為區。區斗六升。四區為金。金六斗四升。登成也。量音亮。下及注同。區烏侯

反。注及下皆同。

金十則鍾

六斛四斗

陳氏三量

皆登一焉

鍾乃大矣

登加也。加一謂加舊量之一也。以區二斗。金八斗。鍾八斛。陸以五升為豆。四豆為區。四區為金。舊本如此。直加豆五升而

區金自大。故杜云區二斗。金八斗是也。本或作五豆為區。五區為金者。為加舊豆區為五

亦與杜注相會。非於五升之豆。又五五而加也。

收之

貸厚而收薄。貸他代反。

山木如市

弗加於山

魚鹽

蜃蛤弗加於海

賈如在山海不加貴。蜃食軫反。蛤古荅反。賈音嫁

民參其力

二入於公

而衣食其一

言公重賦。參七

公聚朽蠹而三老凍餒

三老謂上壽中壽下壽。皆八十已上。不見養遇。聚徐在喻反。一在王反。蠹丁故反。三老服云。工老。

南反。又音三。歛力驗反。

商老。農老。壽音授。下同。上時掌反。足者履。言刑多。履九具反。踊音勇。刑音月。又五刮反。

或燠休之

燠休痛念之聲。謂陳氏也。燠於賈云。燠厚也。休美也。

之如流水

欲無獲民將焉辟之

箕伯直柄

虞

遂伯戲

四人皆舜後。陳氏之先。戲許宜反。

其相胡公

大姬已在齊矣

胡公。四人之後。周始封。陳之祖。大姬其妃也。言陳氏雖為

馬於虔反。戲許宜反。

馬於虔反。戲許宜反。

馬於虔反。戲許宜反。

馬於虔反。戲許宜反。

馬於虔反。戲許宜反。

人臣。然將有國。其先祖鬼神已與。胡公叔向共在齊。相息亮反。服如字。大音泰。

曰。然雖吾公室。今亦季世也。戎馬不駕。卿無

軍行。言晉衰弱。不能征討。公乘無人。卒列無

長。百人為卒。言人皆非其人。非其長。乘繩

庶民罷敝。而宮室滋侈。滋益也。道殣相望。

餓死為殣。殣音覲。說文云。道中死者。而女

富益尤。女嬖寵。民間公命如逃寇。離藥卻胥。

原狐續慶伯降在阜隸。八姓。晉舊臣之族也。

反。阜才早反。政在家門。大夫專政。民無所依。君

日不悛。以樂悛憂。悛藏也。悛改也。悛七全

他刀。公室之卑。其何日之有。言今。讒鼎之銘

讒鼎名也。讒仕咸。曰昧且平顯。後世猶怠。

反。服云。疾讒之鼎也。昧且。早起也。平。大也。言

况日不悛。其能久乎。晏子曰。子將若何。問。何

此難。叔向曰。晉之公族盡矣。盱聞之。公

室將卑。其宗族枝葉先落。則公從之。盱之宗

十一族。同祖為宗。唯羊舌氏在而已。盱又

無子。無賢。公室無度。無法。幸而得死。言得以

昭三年

左傳卷二十

幸言必豈其獲祀得祀初景公欲更晏子之宅

曰子之宅近市湫隘蹢塵不可以居湫下隘

塵土。近附近之近下同。湫子小反。徐音

秋。又在酒反。隘於賣反。蹢許驕反。一五

高請更諸爽塏者爽明。塏燥燥。塏若辭曰君

之先臣容焉先臣。晏子臣不足以嗣之於臣

侈矣侈奢也且小人近市朝夕得所求小人之

利也敢煩里旅旅衆也。不敢公笑曰子近市

識貴賤乎對曰既利之敢不識乎公曰何貴

何賤於是景公繁於刑繁多也有鬻踊者故對

曰踊貴履賤既已告於君故與叔向語而稱

之傳護晏子。今不與張耀同譏。鬻羊六反。賣也。今力呈反。景公為是

省於刑君子曰仁人之言其利博哉晏子一

言而齊侯省刑詩曰君子如祉亂庶遄已詩

雅。如。行也。祉。福也。遄。疾也。言君子行福則庶

幾亂疾止也。為于偽反。省所景反。下同

遄市音耻。市專反其是之謂乎及晏子如晉公更

其宅反則成矣既拜拜謝乃毀之而為里室

皆如其舊本壞里室以大晏子之宅故復之

復欲復之同則使宅人反之還其且諺曰非宅是

昭三年

左傳卷二十

三十三

上唯鄰是卜上良鄰。二二三子先卜鄰矣。三

鄰子謂鄰人違卜不祥。君子不犯非禮去儉即奢。小

人不犯不祥。古之制也。吾敢違諸乎。卒復其

舊宅。公弗許。因陳桓子以請。乃許之。傳言齊

敬而卑。禮無違者。晉侯嘉焉。授之以策。策。賜

弗忘。賜女州田。州縣。今屬河內。以胙乃舊。勲

伯石再拜稽首受策。以出。君子曰。禮其人之

急也乎。伯石之汰也。汰。驕也。昨才一為禮

於晉。猶荷其祿。荷。戶可反。況以禮終始乎。

詩曰。人而無禮。胡不遄死。其是之謂乎。初州

縣。藥豹之邑也。藥豹。盈族。及藥氏亡。范宣子。趙文

子。韓宣子。皆欲之。文子曰。溫。吾縣也。州。本屬

氏。二宣子曰。自郤稱以別。三傳矣。郤稱。晉大

自是州與溫別。至今傳三家。稱。尺晉之別

證反。以別絕句。傳直專反。注同。縣不唯州。誰獲治之。

言縣邑既別甚多。無文

子病之。乃舍之。二子曰。吾不可以正議而自

教

與也。皆舍之。及文子為政。趙獲曰。可以取州

矣。獲。趙文子之子。舍。音赦。又音捨。下同。文子曰。退。使獲退也。二子

之言。義也。二子。二宣子也。違義禍也。余不能治。余縣

又焉用州。其以徼禍也。君子曰。弗知實難。患

焉。知禍所起。於虔反。知而弗從。禍莫大焉。有言州。必

死。豐氏故主韓氏。故。猶舊也。豐氏至晉。舊以韓氏為主人。伯石

之獲州也。韓宣子為之請之。為其復取之之

故。後若還晉。因自欲取之。為七年豐氏歸州。張本。為之。于為反。下為其復為少姜下。

注為之。辟仇為。平公逆皆同。五月。叔弓如滕。葬滕成公子

服椒為介。及郊。遇懿伯之忌。敬子不入。忌。怨也。懿

伯。椒之叔父。敬子。叔弓也。叔弓禮。椒為之辟仇。辟音避。惠伯曰。公事有

公利。無私忌。椒請先入。乃先受館。敬子從之。

惠伯。子服椒也。傳言叔弓之有禮。晉韓起如齊。逆女。為平公逆。公

孫薑為少姜之有寵也。以其子更公女而嫁

公子。更嫁公女。蠶。救邁反。人謂宣子子尾欺晉。晉胡

受之。宣子曰。我欲得齊而遠其寵。寵將來乎

寵。謂子尾。遠。干万反。秋七月。鄭罕虎如晉。賀夫人。且

告曰。楚人日徵敝邑。以不朝立王之故。楚靈王新

立敝邑之往則畏執事其謂寡君而固有外

心其不往則宋之盟云云文相見進退罪也寡君

使虎布之布陳也宣子使叔向對曰君若辱有

寡君在楚何害修宋盟也君苟思盟寡君乃

知免於戾矣君若不有寡君雖朝夕辱於敝

邑寡君猜焉猜疑也。猜七才反君實有心何辱命焉言若

有事晉心至楚可不須告君其往也苟有寡君在楚猶在

晉也張趯使謂大叔曰自子之歸也歸在此年春

小人糞除先人之敝廬曰子其將來今子皮

實來小人失望大叔曰吉賤不獲來賤非上卿畏

大國尊夫人也且孟曰而將無事吉庶幾焉

孟張趯也庶幾如趯言小邾穆公來朝季武子欲卑之

不欲以諸侯禮待之穆叔曰不可曹滕二邾實不忘我

好敬以逆之猶懼其貳又卑一穆焉一穆謂小邾

陸實不忘我好絕句一讀以逆羣好也其如

舊而加敬焉志曰能敬無災又曰敬逆來者

天所福也季孫從之八月太雩旱也齊侯田

於莒莒齊東境音境下同盧蒲癸見泣且請曰余髮

如此種種。余奚能為。弊。慶封之黨。襄二十八年。放之於竟。種種。短也。

自言衰老。不能復為害。見賢遍反。種。普結反。又。匹舌反。見賢遍反。種。章勇反。公曰。

諾。吾告二子。二子。子雅。子尾。歸而告之。子尾欲復之。

子雅不可。曰。彼其髮短。而心甚長。其或寢處

我矣。言不信。九月。子雅放盧蒲癸於北燕。復作。

亂。燕簡公多嬖寵。欲去諸大夫而立其寵人。

冬。燕大夫比以殺公之外嬖。比。相親比。毗志反。注同。

公懼奔齊。書曰。北燕伯款出奔齊。罪之也。款。罪。

輕於衛。行。重於蔡。朱。故。舉中。示例。行。苦旦反。十月。鄭伯如楚。子產

相。楚子享之。賦吉日。吉日。詩小雅。宣王田獵之詩。楚王欲與鄭伯共。

田。故賦之。相。恩量反。既享。子產乃具田備。王以田江

南之夢。楚之雲夢。跨江南北。如字。徐莫公反。注同。齊公孫竈卒。

竈。子。司馬竈見晏子。司馬竈。齊大夫。曰。又喪子雅矣。

晏子曰。惜也。子旗不免。殆哉。以其不臣。喪息浪反。姜

族弱矣。而嬖將始昌。嬖。陳氏。九危反。二惠競爽。猶

可。子雅。子尾。皆齊惠公之孫也。競。疆也。爽。明也。又弱一个焉。姜其

危哉。賀反。个。古。

春秋經傳集解昭公元第二十二

